

卷八十一之八十二

禮部

祠祭司

祭祀通例

郊祀一合祀

郊祀二分祀上

園丘

大明會典

重修

大明會典卷之八十一

禮部三十九

祠祭清吏司

郎中員外郎主事分掌

郊廟羣祀之典及喪禮曆日方伎之事

祭祀通例

國初以

郊廟社稷先農俱為大祀。後改先農及山川帝王孔子旗纛為中祀。諸神為小祀。嘉靖中以朝日夕月天神地祇為中祀。凡

郊廟社稷山川諸神皆

天子親祀。國有大事，則遣官祭告。若先農、旗纛、五祀、城隍、京倉、馬祖、先賢、功臣、太厲，皆遣官致祭。惟帝王陵寢及孔子廟，則傳

制特遣各

王國及有司俱有祀典。而王國祀典具在儀司。洪武初，天下郡縣皆祭三皇、後罷。止令有司各立壇廟，祭社稷、風雲雷雨山川、城隍、孔子、旗纛及厲庶人、祭里社、鄉厲及祖父母、父母，并得祀竈。餘俱禁止。凡進

祀冊舊制，欽天監每歲十一月上旬具明年各祭祀

日期於

奉天門奏進。嘉靖九年更定郊禮，令以九月自

大報之祀為始，開列具奏。○十五年令以九月朔禮部尚書於

奉天殿進呈。

欽定儀注，每歲九月朔，大宗伯以

大報日期等日告于

皇帝。前期于本衙門宿鴻臚卿具請

御殿及設案

奉天殿中。是日百官公服侍班。

皇帝服皮弁。大宗伯具朝服。自

午門中道行。捧

祀日冊。立置于案。

皇帝就案先立定。大宗伯跪奏曰。嘉靖幾年分

大報等祀日冊。請敬之。

皇帝摺圭取而恭視。訖。序班舉案置于

華蓋殿中。

皇帝陞座。百官叩頭如常禮畢。

凡祀

郊社。洪武五年。令

皇太子留宮中居守。

親王戎服侍從。

皇太子

親王雖不陪祀。一體齋戒。○九年。議定

郊社大禮。雖有三年之喪。亦不敢廢。

凡致齋。大祀三日。中祀二日。降香一日。傳

制遣官前一日沐浴更衣。處於

齋宮。次日還宮。○洪武三年定。

大祀。百官先沐浴更衣。本衙門宿歇。次日聽誓戒畢。

致齋三日。

國丘今惟誓戒

宗廟社稷亦致齋三日。惟不誓戒。○令禮部鑄銅人，高一尺五寸，手執牙簡，如大祀則書致齋三日，中祀則書致齋一日，于簡上。太常寺進置于齋所。○五年令諸衙門各置木齋戒牌，刻文其上。曰：國有常憲，神有鑒焉。凡遇祭祀則設之。○嘉靖三年令齋戒日，文武百官隨品穿吉服，并青綵錦繡。

凡服

大祀冕服，中祀皮弁服，陪祀諸臣各用本品。梁冠祭

服

凡牲四等：白犢、白牛、曰太牢；白少牢。色尚駢或黝。大祀入滌，九旬中祀三旬，小祀一旬。洪武初定神牲所設官二人牧養神牲，前三月付廩，犧令滌治如法。○三年改立犧牲所設武職，并軍人專管牧養，其牲房中三間以養。

郊祀牲左三間養

宗廟牲右三間養

社稷牲餘屋養

山川百神之牲○六年奏准。

郊廟犧牲已在滌者或有傷則出之。死則埋之。其有疾者亦養于別所。待其肥腩以備小祀。中祀之用。若未及滌。或有傷疾者。歸所司別用。○景泰四年。令禮部鑄造牲字。字牢字火烙各一。會同太常寺御史印記各處。解到大祀牛羊。凡玉三等。曰蒼璧。曰黃琮。曰圭。惟祀

天地日月則用之。

凡帛五等。曰郊祀制帛。曰奉先制帛。曰禮先制帛。曰展親制帛。曰報功制帛。洪武十一年議定在京

大祀中祀用祭帛在外

王國及府州縣亦用帛。小祀止用牲醴

凡樂四等。

天地九奏。神祇太歲八奏。大明太社稷帝王七奏。夜明帝社稷

宗廟先師六奏。舞皆八佾。有文有武。先師舞六佾。用文。○嘉靖九年定文武舞生冠履佾數俱如舊

制但

園丘服色用青紵絲。

方澤用黑綠紗。

朝日壇用赤羅。

夕月壇用玉色羅。

凡禮。洪武七年奏准。先時太常寺奏中嚴奏外
辦盥洗。陞壇飲福受胙。各有贊詞。又各壇俱設
爵洗位。滌爵拭爵。初陞壇再拜。祭酒唱賜福胙
之類。俱以繁瀆刪去。○又令祭祀皆免上香。○
八年定登壇脫舄禮。今亦不行。○九年定大祀
拜禮。迎神四拜。飲福受胙四拜。送神四拜。共十
二拜。中祀飲福受胙止再拜。
凡

廟社稷祝版。嘉靖九年。令先期一日。太常寺博士

捧至。

文華殿候

親填御名。若冬至大祀。則於

奉天殿恭填。

凡陪祀。

大祀文官五品以上。武官四品以上。及六科都給事
中。皆陪內。有刑喪過犯。體氣之人。不預。餘祭并
同。惟都給事中不預。○嘉靖十五年。令都給事
中陪祀。

宗廟後又令一應祭祀俱陪○十七年令
皇親指揮以下千百戶等官凡
郊廟等祀俱陪

凡祀牌。洪武八年置陪祭官圓牙牌。供事官員
人等長牙牌。各令懸帶。無者不許入壇。

郊祀

合祀

國初建

園丘於鍾山之陽。以冬至祀

天。建方丘於鍾山之陰。以夏至祀

太武二年始奉

仁祖淳皇帝配享。十年春始定合祀之制。即

園丘舊址為壇。以屋覆之。名

大祀殿。歲以正月上辛日行禮。時郊工未成。暫就

奉天殿行。十二年正月乃合祀於

大祀殿。仍奉

仁祖配享。命官分獻。日月星辰。嶽鎮海瀆。山川諸神

凡一十四壇。二十一年又增修壇壝於

大祀殿丹墀內。東西相向。為日月星辰四壇。又於內

壝之外。為壇二十。亦東西相向。為五嶽五鎮四

海四瀆。風雲雷雨山川太歲。天下神祇。歷代帝

王諸壇其日月星辰初有朝日夕月崇星之祭
至是俱罷歷代帝王及太歲風雲雷雨嶽鎮海
瀆山川月將城隍諸神初俱春秋二祭至是亦
停春祭惟每歲八月中旬擇日於山川壇及帝
王廟祭之三十二年郊祀更奉
太祖高皇帝配享永樂十八年北京
天地壇成每歲仍合祀如儀南京壇有事則遣官祭
告洪熙元年奉

太祖

太宗同配享嘉靖九年遵初制建

園立於

大祀殿之南每歲冬至祀

天以大明夜明星辰雲雨風雷從祀建

方澤於安定門外每歲夏至祭

地以五嶽五鎮四海四瀆

陵寢諸山從祀俱止奉

太祖一位配享而罷

太宗之配又建

泰神殿於

園立北正殿以藏

上帝

太祖之主。配殿以歲從位諸神之主。

上帝

太祖主曰神版。餘曰神牌。祭則禮部大常寺官請詣

壇奉安。建

皇祇室於

方澤南以歲

皇祇及從位主而

太祖主。則以祭之前一日請詣

太廟。建

邊增設序班三員。北向站立。俟東西兩班站定。各于班末熟視。有回顧耳語咳嗽吐唾者。即時糾舉。其京堂四品以上。翰林院學士及領勅官。俱不

面糾。○十二年議令吉服朝祭日期。除祭祀齋戒。不面糾外。其餘照常糾儀。○又令祭將見朝。在京營者。照京官儀。不贊跪。在外者。照外官儀。贊跪。失儀俱

面糾

午朝儀

景泰初定

凡午朝

上御左順門先期內官設

御座于左順門之北設案稍南文武執事奏事等項

官員俱于

左掖門內伺候。

駕出視朝各官照班次序立。

內閣并五府六部奏事官六科侍班官俱于案西

序立侍班御史二員序班二員將軍四員俱于

案南面北立鴻臚寺鳴贊一員于案東面西立。

泰神殿曰皇穹宇十八年春行祈穀禮于

玄極寶殿不奉配二十四年即故

大祀殿之址建

太享殿而建

皇乾殿于

大享殿址以藏

神版。

命禮部歲用季秋奏請擇吉行大享禮已又

命暫行于

玄極寶殿隆慶元年禮部會議

園丘

方澤

朝日

夕月。歲舉四郊。仍如

世宗所更定。而罷祈穀及

明堂大享禮。今並存其儀。以備考云。

洪武十年。初定合祀儀。

一齋戒前期二日。太常司官今太常寺宿于本司次。

日具本奏聞。致齋三日。次日進銅人傳。

制諭文武官齋戒。不飲酒。不食葱韭薤蒜。不問病。不吊喪。不聽樂。不理刑名。不與

常司官奏聞。明日與光祿司官省牲。次日省牲

畢。一同復

命。就奏定分獻官二十四員。

一陳設。共二十七壇。

正殿三壇

上帝南向

犢一

登。實以大羹。煮肉汁。不用鹽醬。

籩十二。實以形鹽。

藁魚

棗

栗

榛

菱

茨

鹿脯

白餅造白麩

黑餅造蕎粉

糗餌造米粉

粉餐糯米餐糕

豆十二實以韭俎以韭切去本末取中四寸

菁俎

芹俎

筍俎

鹽酒料

鹿醢

兔醢

魚醢

脾析鹽用牛百葉切細湯熟用

豚肪上猪肉

飽食用糯米飯羊

糝食用牛糝米飯同

簠簋各二實以黍

稷

稻

梁

玉用蒼璧一

帛一蒼色織成郊祀制帛四字

皇祇南向

犢一

登一

籩十二

豆十二

簠簋各二

玉用黃琮一

帛一黃色郊祀制帛

仁祖配位在東西向

犢一

登一

籩十二

豆十二

簠簋各二

玉用蒼璧一

帛一 蒼色 郊祀制帛

共設酒尊六爵九籩三于東南西向祝文案

一于殿西

洪熙以後改奉
太宗並祀正殿增一壇加犢一酒尊二爵三
帛籩一

丹墀四壇

大明在東西向

犢一

登一

籩十同無糗餌粉養下

豆十同無飽食糝食下

簠簠各二

帛一 紅色禮神制帛

酒尊三

爵三

籩一

夜明在西東向

犢一

登三

籩十

豆十

簠簠各二

帛一 白色禮神制帛

酒尊三

爵三

籩三

星辰一壇在東西向

犢一

羊三

豕三

登一

鉶二盛和羹用肉盛

籩豆各十

簠簠各二

酒盞三十

帛一 白色禮神制帛

酒尊三 爵三 篚一

星辰二壇在西東向

陳設同

東十壇

北嶽壇

犢一 羊一 豕一 登一

釧二 籩豆各十一 簠簋各二

酒盞十

帛一 黑色禮神制帛

酒尊三 爵三 篚一

永樂以後北嶽壇增附天壽山。加酒盞十。

北鎮壇

陳設同

東嶽壇

陳設同

帛一 青色禮神制帛

東鎮壇

東海壇

陳設並同

太歲壇

陳設同

帛白色禮神制帛

帝王壇

陳設同

帛十六制帛色禮神

酒盞三十

山川壇

陳設同

帛二帛白色禮神制

酒盞三十

神祇壇

羊五

豕五

鉶三無大籩豆各八

簠簋各二 酒盞三十

帛一白色禮神制帛

酒尊三

爵三

篚一

四瀆壇

陳設與壯嶽同

帛四 黑色禮神制帛

酒盞三十

西十壇

北海壇

陳設與壯嶽同

西嶽壇

陳設同

帛一 白色禮神制帛下同

西鎮壇

西海壇

陳設並同

中嶽壇鐘山附

陳設同

帛二黃色。禮神制。

酒盞二十

中鎮壇

陳設同

帛一黃色。禮神制。

酒盞十

風雲雷雨壇

陳設同

帛四白色。禮神制。

酒盞三十

南嶽壇

陳設同

帛一紅色。禮神制。

酒盞十

南鎮壇

南海壇

陳設並同

一正祭典儀唱樂舞生就位。執事官各司其事。

陪祀官分獻官各就位。導引官導引。

皇帝至御位。內贊奏就位。典儀唱燔柴。凡燔柴。共武

淨犢牛。器盛。置于燔壇之右。駕自齊宮詣壇。太和鐘鳴。則壇內舉火。候贊燔柴。即以犢牛置

其上。燔之。瘞毛血。迎神。協律郎舉麾奏樂。樂止。內贊

奏四拜。百官典儀唱奠玉帛。奏樂。內贊奏陞壇。

至

上帝前奏搢圭。執事官以土帛跪進于

皇帝右奠訖。奏出。至。

皇祇前。奏摺。圭執事官以玉帛跪進于

皇帝左。奠訖。奏出。至。

仁祖前。奏摺。圭執事官以玉帛跪進于

皇帝右。奠訖。奏出。至。復位。樂止。典儀唱進俎。奏樂。齋

郎昇饌至。內贊奏陞壇。至。

上帝前。奏摺。圭進俎。出。至。

皇祇前。奏摺。圭進俎。出。至。

仁祖前。奏摺。圭進俎。出。至。奏復位。樂止。典儀唱行初

獻禮。奏樂。內贊奏陞壇。至。

上帝前。奏摺。圭執事官以爵跪進于

皇帝右。奏獻爵。出。至。

皇祇前。奏摺。圭執事官以爵跪進于

皇帝左。奏獻爵。出。至。誦讀祝位。跪讀祝。樂止。讀祝官

取祝跪于

神位右。讀訖。樂作。奏俯伏興平身。頤官至。

仁祖前。奏摺。圭執事官以爵跪進于

皇帝右。奏獻爵。出。至。復位。樂止。典儀唱行亞獻禮。奏

樂。內贊奏陞壇。至。

上帝前。奏摺。圭執事官以爵跪進于

皇帝右。奏獻爵。出。至。

皇帝祇前。奏搢圭。執事官以爵跪進于

皇帝左。奏獻爵。出。至。

仁祖前。奏搢圭。獻爵。出。至。復位。樂止。典儀唱行終獻

禮。奏樂。儀同樂止。太常卿進立殿西東向。唱賜

福胙。內贊奏詣飲福位。跪搢圭。光祿司官以福

酒跪進。奏飲福酒。光祿司官以胙跪進。奏受胙。

出。至。俯伏興。平身。復位。奏四拜。百官同典儀唱徹

饌。奏樂。執事官各壇徹饌。樂止。典儀唱送神。奏

樂。內贊奏四拜。百官同樂止。典儀唱讀祝。官捧祝

進。帛官捧帛。掌祭官捧饌。各詣燎瘞位。奏樂。執

事官各執祝帛。饌出。內贊奏禮畢。

一分獻官儀注。典儀唱行初獻禮。贊引引分獻

官詣

前。搢笏。執事官以帛進于分獻官。奠訖。執事官

以爵進于分獻官。贊引贊獻爵。出。笏。贊引引至

酒尊。南北向立。典儀唱行亞獻禮。執事官以爵

進于分獻官。贊引贊獻爵。典儀唱行終獻禮。儀同

贊引引分獻官復位。徹饌。執事官徹饌。執帛

饌詣燎所。俱候典儀唱行

一祝文

維武洪

年歲次

甲子正月

日

嗣天子臣御名敢昭告于

昊天上帝

后土皇地祇時維孟春三陽開泰敬乎臣僚以玉帛

犧齊粢盛庶品恭祀于

大祀殿備茲燎瘞

皇考仁祖淳皇帝配

神尚

享

一樂章

迎神樂奏中和之曲

荷蒙

天帝兮君主華夷欽承踊躍兮備筵而祭誠惶無已

兮寸衷微仰瞻俯首兮惟願來期想龍翔鳳舞

兮慶雲飛必昭昭穆穆兮降壇壝

奠帛樂奏肅和之曲

天垂風露兮雨澤霑黃壤氤氳兮氣化全民勤

眎畝兮秉帛鮮巨當設宴兮奉來前

進俎樂奏凝和之曲

庖人兮列鼎。肴羞兮以成。方俎兮再獻。願享兮以歆。

初獻樂奏壽和之曲。武功之舞。

聖靈兮皇皇。穆嚴兮金牀。臣今樂舞兮景張。酒行初獻兮捧觴。

亞獻樂奏豫和之曲。文德之舞。

載斟兮再將。百辟陪祀兮具張。感聖情兮無已。拜手稽首兮願享。

終獻樂奏凝和之曲。文德之舞。

三獻兮樂舞揚。肴羞具納兮氣藹而芳。祥光朗

一祝文

維嘉靖 年歲次 月 朔 日

嗣天子御名謹昭告于

大明之神。惟

神陽精之宗。列神之首。

神光下照。四極無遺。

功垂今昔。率土仰賴。茲當仲春。式遵古典。以玉帛

牲醴之儀。恭祀于

神。伏惟

鑒歆錫福。黎庶尚享。

一樂章

迎神熙和之曲

仰瞻兮

大明位尊兮王宮時當仲春兮氣融爰遵祀禮兮
報功微誠兮祈


神昭鑒願來享兮迓

神聰

奠玉帛凝和之曲

神靈壇兮肅其恭有帛在篚兮赤琮奉
神兮祈享以納予躬奠兮祈以顯


郊壇總圖舊




編鐘




編磬




搏拊




鼓




敌




祝




瑟



琴



筆



笛




簫




墳




篋



舞器圖
節



干



戚



大明會典卷之八十一

大明會典卷之八十二

禮部四十

郊祀

分祀上

嘉靖九年更定分祀儀
是年既分建四郊遂號

祖陵山曰基運。

皇陵山曰翔聖。

孝陵鍾山曰神烈。

顯陵山曰純德并

天壽山俱從祀

方澤居嶽鎮之次仍俱祀於

地祇壇十一年定。

朝日壇以甲丙戊庚壬間歲一親祭。

夕月壇以丑辰未戌三歲一親祭。非親祭之歲太常寺具奏遣官行禮。

朝日以文大臣。

夕月以武大臣。其

園丘諸儀亦多所更定。如更上

皇天上帝泰蹠及

皇穹宇請神儀皆附列焉。又定看牲分獻之制。凡看

牲書以前月之朔。

大駕親往。自後文武大臣日輪一員。次早復

命。至是令冬夏至及祈穀俱正祭前五日親往。自後

遣大臣輪視如常。凡分獻舊用文武大臣及近

侍官二十四員。今

園丘方澤各用四員分獻。俱太常先期題請

欽命而法司官例不遣。又定大祀如遣官不行飲福

禮。太常具福胙奏進。其傳

制後。

各廟焚香則嘉靖八年罷

園丘

一前期十日。太常寺題請視牲。次請

命大臣三員看牲。四員分獻

一前期五日。錦衣衛備隨朝駕。

上詣犧所視牲。其前一日。

上常服告於

廟。內贊奏就位。

上就拜位。內贊導

上至

太祖香案前。奏上香。上訖。導上

列聖香案前。奏上香。上訖。奏復位。奏跪。奏讀告辭。

其辭曰

孝玄孫嗣皇帝御名明日恭詣

南郊視大祀牲。謹詣

祖宗列聖帝后神位前。恭預告

知。讀訖。奏四拜。奏禮畢。及還詣

廟。參拜如前儀。致詞曰。

孝玄孫嗣皇帝御名恭視

大祀牲。禮畢。恭詣

祖宗列聖帝后神位前。謹用

參拜。參畢。

回宮。是日。

命大臣輪視如常儀

一前期四日。

上御奉天殿。太常寺奏祭祀進銅人。如常儀。本寺博

士捧告請

太祖祝版於

文華殿候

上親填御名訖捧出

一前期三日。

上具祭服。以脯醢酒果詣

太廟請

太祖配

帝。是日

上詣

太廟寢請

主至

太廟安訖。典儀唱執事官各司其事。內贊導

上至拜位。奏就位。典儀唱迎神。內贊導

上至香案前。奏跪。搢主。奏上香。奏出主。奏復位。奏兩

拜典儀唱行獻禮。內贊道

上至

御案前。奏搢圭。奏獻爵。奏出圭。奏詣讀祝位。奏跪贊。讀祝。讀祝官跪讀祝曰。

維嘉靖 年歲次 月 朔 日

孝玄孫嗣皇帝御名敢昭告于

皇祖太祖高皇帝曰。茲以今月 日冬至。祇祀

上帝于

闕。謹請

皇祖配

帝侑

神。伏惟

鑒知。謹告。讀訖。奏俯伏興平身。奏復位。太常卿跪

奏禮畢。請

還宮。內贊奏兩拜。典儀唱讀祝官捧祝詣燎位。奏

禮畢。

上請

主還寢訖。易服。

御華蓋殿。太常寺卿同光祿寺卿

白奏省牲訖。

上御奉天殿百官具朝服聽受

誓戒傳

制儀見儀制司

一前期三日太常卿同光祿卿奏省牲如常儀

牛九。北羊三。豕三。鹿一。兔六。是日錦衣衛具

神輿香亭太常官具玉帛匣及香盒各設于

奉天殿次日。

上至奉天殿親填祝版版以青楮。以青楮。以青楮。置玉帛于匣太常

卿捧安輿內。

三上香行一拜三叩頭禮畢錦衣衛官校昇至

天壇太常卿奉安于

神庫

一前期一日免朝錦衣衛備法駕設

板輿于

奉天門下正中。

上吉服告于

廟如告視牲之儀告辭曰。

孝玄孫嗣皇帝御名出宿於郊祗行

大報禮謹詣

祖宗列聖帝后神位前恭預告

知告畢。

上出乘輿詣

南郊由

西天門入。至

昭亨門外降輿。禮部太常官導

上由左門入。至內壝。太常卿導

上至

圜丘恭視

壇位。次至

神庫視籩豆。至

神廚視牲。畢。仍由左門出。陞輿至

齋宮分獻陪祀官叩頭如常儀

一陳設

上帝南向

犢一

蒼玉一

郊祀制帛十二。俱青

登一

簠簋各二

籩十二

豆十二

蒼玉爵三

酒尊三

青漆團龍篚一

祀案一

配帝西向

犢一

奉先制帛一。白色

登一

簠簋各二 籩十二 豆十二 蒼玉爵三

酒尊三 雲龍篚一

從四壇俱在壇之二成

大明在東西向

犢一 登一 禮神制帛一 赤色

簠簋各二 籩十 豆十 酒盞三十

青瓷爵三 酒尊三 篚一

夜明在西東向

陳設同 禮神制帛一 白色

星辰在東西向北上日五星白二十八宿白周天

犢一 羊一 豕一 登一

鉶二實以和羹 簠簋各二 籩十

豆十 酒盞三十

帛十 青色一 赤色一 黃色一 白色六 黑色一

青瓷爵三 酒尊三 篚一

雲雨風雷在西東向北上

陳設同 帛四 青色一 白色一 黃色一 黑

皇穹宇請

神位前期一日太常寺設香案於丹墀正甲將事之

夕。三更一點。禮部太常寺堂上官恭詣香案前。尚書上香。率各官行一拜三叩頭禮。畢。太常寺官九員分詣東西。

配殿各請。

從位神牌出龕。先雷師。次風伯。次兩師。次雲師。次周天星辰。次二十八宿。次五星。次夜明。次大明。捧至丹墀東西向立。太常寺官一員詣殿中。請太祖主出龕。太常寺少卿一員恭捧西向立。太常寺官二員請。

上帝神版出龕。太常寺卿恭捧南向立。禮部侍郎二員導引出殿。先。

上帝。次。

太祖。次大明。次夜明。次五星。次二十八宿。次周天星辰。次雲師。次兩師。次風伯。次雷師。由。

圜丘北門入。轉至午陛。陞壇。先。

上帝。次。

太祖。次。

從位。各依原序先後奉安於。

神座。候。

上至大次。尚書率各官致詞復。

命叩頭出。祭畢。太常官如前捧請。禮部侍郎導引入殿。以次納于龕中。奉安訖。各官仍行一拜三叩頭禮。出。

一正祭。是日三鼓。

上自齋宮乘輿。至外壇。

神路之西降輿。導引官導

上至

神路東大次。上香官同導引官捧神位。官復

命訖退。百官排班於神路之東西以俟

上具祭服出。導引官導

上由左櫺星門入。內贊對引官導

上行至內壇。典儀唱樂舞生就位。執事官各司其事。

上至御拜內贊奏就位。

上就位。典儀唱燔柴唱迎

帝神樂作。內贊奏陞壇導

上至

上帝金鑪前。奏跪。奏搢圭。司香官捧香跪進於

上左內贊奏上香。

上三上香訖。奏出圭道。至

太祖金鑪前。儀同奏復位。

上復位。樂止。內贊奏四拜。傳贊百官同典儀唱奠玉帛。樂作。內贊奏詣。

神御前導

上至

神御前奏措圭。捧玉帛。官以玉帛跪進於

上右。

上受玉帛。內贊奏獻玉帛。

上奠訖。奏出圭。導至

太祖前。奏措圭。奏獻帛。奏出圭。奏復位。

上復位。樂止。典儀唱進俎。樂作。齋郎昇俎安訖。內贊

奏詣

神御前導

上至

神御前奏措圭。奏進俎。奏出圭。導至

太祖前。儀同奏復位。

上復位。樂止。典儀唱行初獻禮。樂作。內贊奏詣

神御前導

上至

神御前奏措圭。捧爵。官以爵跪進於

上右。

上受爵。內贊奏獻爵。

上獻訖。奏出圭。奏詣讀祝位。導

上至讀祝位。奏跪。傳贊衆官皆跪樂暫止。內贊贊讀祝。讀祝

官跪讀祝畢。樂復作。奏俯伏。興平身。傳贊百讀

祝官跪進祝版。

上捧至

御案篚內安訖。訖讀祝內贊導守至

太祖前。奏搢圭。捧爵官以爵跪進於

上右。

上受爵。奏獻爵。

上獻訖。奏出圭。奏復位。

上復位。樂止。典儀唱行亞獻禮。樂作。儀同初獻奏復

位。樂止。典儀唱行終獻禮。樂作。儀同亞獻奏復位。樂

止。太常卿進立於壇之二成東向。唱賜福胙。內

贊奏詣飲福位。導

上至飲福位。光祿卿捧福酒。跪進于

上左。內贊奏跪。奏搢圭。奏飲福酒。

上飲訖。光祿官捧福胙。跪進于

上左。內贊奏受胙。

上受訖。奏出圭。俯伏。興平身。奏復位。

上復位。奏四拜。饔餼百。典儀唱撤饌。樂作。執事官撤饌。訖。樂止。典儀唱送。

帝神。樂作。內贊奏四拜。饔餼百。樂止。典儀唱讀祝官捧祝進帛。官捧帛。掌祭官捧饌。各恭詣

泰壇。

上退。立於拜位之東。典儀唱望燎。樂作。內贊奏詣望燎位。內贊對引官導。

上至望燎位。燎半。內贊奏禮畢。樂上。如遇風雪。有司設黃氊。小次於

司丘下。

上恭就小次。對越行禮。其升降上香奠獻。俱以太常執事官代。內贊對引官導。

上至大次。易服。禮部太常官奉

神位安於

皇穹宇

上還齋宮。少憩。駕還。百官具朝服於

承天門外橋南立迎

駕。

上入詣

廟。參拜如視牲還之儀。致辭曰。

孝玄孫嗣皇帝御名

園丘大報禮成恭詣

祖宗列聖帝后神位前謹用

參拜參畢百官隨至

奉天殿行慶成禮

一分獻官儀注

上行初獻禮讀祝訖奏俯伏與平身贊引引分獻官

由東西陞詣

各神位香案前贊跪贊搯笏贊上香贊獻帛贊獻

爵贊出笏贊復位亞終獻儀同惟不至典儀唱

望燎各分詣燎爐前燎半贊禮畢

一祝文

維嘉靖 年歲次 月朔 日

嗣天子臣御名敢昭奏於

皇天上帝曰時維冬至六氣資始敬遵典禮謹率臣

僚恭以玉帛犧齊粢盛庶品備此禋燎祇祀於

上帝奉

太祖開天行道肇紀立極大聖至神仁文義武俊德

成功高皇帝配

帝侑

神尚

享

一樂章

迎

帝神中和之曲

仰惟

玄造兮於皇

昊穹時當肇陽兮大禮欽崇臣惟蒲柳兮螻蟻之末

伏承

恭仰兮職統羣工深懷愚昧兮恐負

洪德爰遵彝典兮勉竭微忠遥瞻

天闕兮

寶輦臨壇臣當稽首兮祗迓

恩隆百辟陪列兮舞拜於前萬神翊衛兮而西以東

臣俯伏迎兮敬瞻

帝御願垂

歆鑒兮拜

德曷窮

奠玉帛肅和之曲

龍輿既降兮奉禮先爰有束帛兮暨瑤琯臣謹上獻

金匱卷八十二
十五
進

帝前仰祈

聽納兮荷

蒼乾

進俎凝和之曲

銷饁珍饌兮薦

上玄庖人列鼎兮致精虔臣盍祗獻兮馨醴牲願垂
歆享兮民福淵

初獻壽和之曲

禮嚴初獻兮奉觴臣將上進兮

聖皇

聖皇垂享兮穆穆臣拜首兮何以忘

亞獻豫和之曲

禮觴再舉兮薦玉漿

帝顏歆悅兮民福昂民生有賴兮感

上蒼臣惟鞠拜兮荷

恩長

終獻熙和之曲

三獻兮禮告成一念微衷兮露悃臣情景張樂
舞兮聲鏗鏗仰瞻

聖容兮俯錫恩泓

撤饌雍和之曲

祀禮竣兮精意禋。三獻備兮誠已申。敬撤弗遲
兮肅恭寅。恐多弗備兮惟賴

洪仁

送

帝神清和之曲

禋事訖終兮百辟維滂

帝垂歆臨兮沐

澤汪洋

龍車冉冉兮

寶駕旋雲。靈風鼓舞兮瑞露清灑。

洪恩浩蕩兮無以為酬。麤陳菲薦兮已感

歆嘗。香氣騰芳兮上徹

帝座。仰瞻

聖造兮賜福羣方。臣同率土兮載歡載感。祗迴

寶輦兮鳳嘯龍翔。誠惶誠恐兮仰戀彌切。願

福生民兮永錫亨昌。

望燎時和之曲

龍車寶輦兮昇帝鄉。御饗菲帛兮奉燎方。環佩鏗鏘

會典卷之三
二
于羅壇壝。炬焰特舉。于氣輝煌。生民蒙福。于
聖澤露。臣荷

眷祐。于拜謝

恩光。

萬曆三年親祀

圜丘儀

正祭前六日早

上常服。以親詣

南郊視牲預告於

太廟。前五日。錦衣衛備隨朝駕。如常儀。質明。

上常服。御皇極殿。太常寺官奏請

聖駕視牲。百官具吉服朝參。鳴鞭訖。先趨出

午門外東西序立候送。

上由大明門正陽門西天門舊路。至犧牲所南門。迤
西。

上降輦。禮部尚書侍郎太常卿少卿導

上至所內幄次。禮部官跪奏請視牲。仍同太常寺官

導

上至各牲房前。太常卿跪奏視大祀牲。逐一視畢。仍

導

上至幄次內。

上少憩。出禮部太常寺官仍導。

上陞輦。駕還。百官俱於

承天門外序立候迎。

上仍詣

太廟參謁。前四日。

上御皇極殿。太常寺奏祭祀。前三日質明。

上常服。乘輿詣

太廟門西。降輿。至幄次內。具祭服。告請

太祖配

神。行一獻禮畢。出幄次內。易皮弁服。回

御中極殿。太常寺光祿寺官奏省牲畢。

御皇極殿。傳

制誓戒百官。前二日。早。

上常服。以親詣

南郊大祀預告于

太廟。是日午。後太常寺官捧蒼玉帛。匣香。盥

神輿。亭進于

皇極殿內。司禮監官捧帛。同安設于

御案之北。前一日質明。

上從文華殿出。由皇極殿左門入。至御案前立。太常寺捧祝版。由中門進于御案上。

上填御名訖。太常卿捧安輿中。司禮監官進帛于上。裝匣內。并蒼王安訖。太常卿捧安輿中。太常卿隨捧香盒于香亭右跪。

上三上香。行一拜三叩頭禮畢。轉于東西向立。錦衣衛官校入。擡輿亭。由中門出。太常卿隨詣

天壇神庫奉安。
上由殿中門出。乘輿詣

南郊。至

昭亨門西。禮部尚書侍郎太常少卿等官行叩頭禮畢。分兩傍候。

上降輿。尚書等官導上由

昭亨左門入。至內壇左門。太常卿跪迎。同導上。至午陛。尚書等官俱止。太常卿導上至

圜丘。恭視

壇位。尚書等官俱先詣東陛前伺候。

上視

壇位畢。太常卿導

上由東陛下。尚書等官同導

上至神庫視籩豆。至神廚視牲。俱太常卿導入。逐一

奏畢。禮部太常寺官導

上仍由

昭身左門出。陞輿至齋宮。分獻陪祀官朝參。傳

旨賜早飯。各官叩頭謝

恩。至午。各官候

旨朝參。仍傳

思善門內哭臨。三日而止。○一聽選辦事等官各

喪服。人材監生吏典僧道坊廂耆老各素服。自

成服日為始。赴應天府舉哀三日。○一內外宗

室皆成服。二十七日而除。○一天下大小衙門

各遣官進香。○一成服後祭祀。

皇親駙馬共一壇。公侯伯共一壇。五府同錦衣衛

共一壇。六部都察院同文職大小衙門共一壇。

文武官四品以上命婦共一壇。○一百日。

上及

皇妃。

皇太子。

皇太子妃。

皇孫。

親王及妃公主以下及在京文武官開命婦各祭

一壇○一周年祭如百日儀百官詣

西角門行奉慰禮在京禁音樂傳磨宰七日○一

凡遇時節祭祀。

上位一壇。

皇妃。

東宮。

旨賜午飯謝

恩如前儀是日午後太常寺陳設如常儀至一更時

分禮部尚書等官詣

皇穹宇尚書上香請

神侍郎二員導引太常寺以次捧

正位

配位神版。

從位神牌詣壇奉安訖候報時。

上常服乘輿出至外遺

神路之西降輿導駕官導

上至

神路東大次禮部同太常官復命畢。

上具祭服出由內壝左櫺星門入行。

大祀禮如常儀畢。

上至大次易常服至齋宮少憩駕還仍詣

太廟恭謁畢具裘冕服御皇極殿行慶成禮。

嘉靖十七年更上

皇天上帝泰號儀

一前期六日以酒果脯醢告

戊戌太歲之神。

十月神將直日功曹之神。

郊壇司土之神曰朕祇於來月朔旦躬率臣民上

尊

皇天上帝泰號仰

高玄九重預告於

諸神衆祇煩為朕運爾神化昭爾靈顯通朕微衷

於

上帝祈

賜允鑒之慈。

享朕欽薦之
號為此文告。

神宜悉知。謹告。宣訖。百官俯伏興。亞獻終獻如常儀。送神行兩拜。宣文官捧文。進帛官捧帛。各詣燎位。內贊奏禮畢。

上還御華蓋殿。執事官行禮如常儀。樂作。

上至奉天殿中。立定。樂止。鴻臚寺官舉

勅案至殿中。

上親取勅授輔臣。輔臣立受。以

制詞授宣制官。

上陞座。鳴鞭行禮如常儀。鴻臚寺官奏禮畢。樂作。

上起。輔臣捧

勅由中道出。至

奉天門發示。禮部捧出。開讀如常儀。

一前期翰林院恭擬合用祭告文。太常寺備特牲熟薦十二。籩豆玉帛。及告

景神殿脯醢酒果

欽定捧冊表大臣二員。并

論文武官陪拜。國子監監生。順天府生員耆老人等俱隨班行禮。在朝於

午門外在壇於

昭亨門外序列

一先期四日。

上御奉天殿太常寺奏齋戒如常儀百官致齋三日

一先期三日太常寺光祿寺

面奏省牲如常儀。

一先期一日鴻臚寺官設冊表案於

奉天殿正中內侍官設冊表綵輿於

丹陛上設香案於冊表輿前教坊司設中和樂大

樂錦衣衛設鹵簿大駕本日禮部率太常寺官

恭詣

園丘設冊表案於

神御位右設

上拜位於三成正中司設監設

大次於

園丘神路之東陳設畢遣重臣上香奉請

神御位太常寺設輿於

泰神殿丹陛下奉

神位陞輿導引官二員前導陞

園丘奉安設

神祇十一壇紙位於內壇下天神東西向地祇北
向俱設酒果脯脰不奠其紙位并錦轎車
一是日戊初刻鳴鐘鼓百官依朝賀禮於
奉天殿丹墀序立陪祀官具祭服餘官朝服。
上告

景神殿畢具冕服御奉天殿鴻臚寺卿奏請行禮。
上躬捧冊表奉安綵輿內錦木衛官督舉輿冊表與
行大樂鼓吹前導。
駕發文武百官隨行至
正陽門外騎從冊表與至

圜丘壇門外原遣大臣捧請冊表出輿亭置於案。
上至

昭亨門外降輦導引官導
上御大次鼓三嚴鴻臚寺卿奏外辦又奏中嚴導引
官導

上至
圜丘典儀唱樂舞生就位執事官各司其事內贊奏
就位。

上就位典儀唱迎
帝神奏樂內贊導

上至香案前奏跪。奏搢圭。奏上香。

上三上香訖。奏復位。樂止。內贊奏四拜。傳贊百典儀

唱昇冊表。樂作。內贊奏陞壇。

上陞壇。樂暫止。奏跪。傳贊衆奏搢圭。原遣大臣二員。

一捧冊表進于

上右。

上受冊表獻訖。一接受於

上左。以付宣冊表官。奏出圭。奏宣冊表。太常寺卿跪

宣訖。原受冊表大臣復進於

上親捧奠於帛篚。樂復作。奏俯伏興平身。傳贊百奏

復位。典儀唱奠玉帛。樂作。內贊奏詣

神御前。

上陞至

神御前。奏搢圭。捧玉帛。官以玉帛跪進於

上右。

上受玉帛。奠訖。奏出圭。奏復位。樂止。典儀唱進俎。樂

作齋郎昇饌至。內贊奏詣

神御前。

上陞至

神御前奏摺主奏進俎奏出主奏復位樂止典儀唱
行初獻禮樂作內贊奏請

神御前

上陞至

神御前奏摺主捧爵官以爵跪進於

上右

上受爵奏獻爵

上獻訖奏出主復位樂止典儀唱讀祝樂作內贊奏

請讀祝位奏跪

上至讀祝位跪傳贊眾跪樂暫止內贊贊讀祝讀祝官

跪讀訖樂作內贊奏俯伏興平身傳贊百樂止

亞獻終獻飲福受胙撤饌送

帝神俱如常儀送

神後典儀唱宣冊表官捧冊表進玉帛官捧玉帛讀

祝官捧祝掌祭官捧饌各恭詣

泰壇典儀唱望燎樂作

上退拜位東西向內贊奏請望燎位燎半內贊奏禮

畢樂止導引官導

上至幕次易服還宮禮成

詔示中外

樂章

迎

帝神中和之曲

於昔洪荒之初兮混濛五行未運兮兩曜未明
其中挺立兮有無容聲

神皇出御兮始判濁清立天立地立人兮羣物生生

昇冊表元和之曲

帝闕陰陽兮造化張

神生七政兮精華光圓覆方載兮兆物康臣敢祇享

兮拜薦

帝曰皇

奠玉帛休和之曲

帝垂聽兮義若親子職庸昧兮無由申冊表荷

鑒兮

泰號武尊敬陳玉帛兮燕賀

洪仁

進俎豫和之曲

大筵弘開懽聲如雷

皇神賜享臣衷消埃大鼎炮亨有饁馨載

帝歆兮兆民之福臣感

恩兮何如幸哉

初獻壽和之曲

大高降恩鑒微情何以承。臣愚端拜捧瑤觥。堅壽無極并

奏祝景和之曲

帝皇立命兮肇三才。中分民物兮惟天徧該。小臣請命用光帝陪。庶永配於皇穹哉

亞獻太和之曲

羣生總總兮悉蒙始恩。人物盡囿兮於

帝仁羣生荷

德兮誰識所從來。於惟

皇兮億兆物之祖真

終獻永和之曲

寶宴於玉几憑。瓊液陞樂舞。翮協氣凝。民物初

臣衷蹇蹇兮報無能

撤饌咸和之曲

太奏既成。微誠莫傾。

皇德無京。陶此羣生。巨細濛幘。刻小臣之感。衷兮罔罄。愚情實弘。涵而容納。兮曲賜生成。

送

帝神清和之曲

禮祇用薦兮。

皇神垂享萬舞畢舉兮九成已行。

帝賜洪庥兮大我家慶金鳴玉振兮聲鏗鏘羣僚環

佩兮響叮璫神人交賀兮贊

帝皇寶稱

泰號兮曷有窮量永固高厚兮宰御久常微臣頓首

叩首兮攸沐

恩光

奉燎熙和之曲

瑤簡拜書兮


泰號成奉揚

帝前兮資離明珍幣嘉肴兮與祝誠均登巨燭兮達

玄清九域四表兮莫不昂瞻庶類品彙兮悉慶


洪名


園立圖



會典卷八十二

三十一





會典卷八十二

三十四

園立第成陳設圖
正位南向

登劍以磁碗代簋盤盂邊豆以磁盤代凡
壇廟同

- 白餠
- 黑餠
- 糗餌
- 粉糍
- 大罍
- 小罍
- 罍

- 籩
- 榛
- 菱
- 茨
- 鹿脯

- 形鹽
- 葉魚
- 棗
- 栗

- 簋
- 黍
- 稷



配位西向

邊

- 餅白
- 餅黑
- 餅糖
- 餅粉
- 榛
- 菱
- 芡
- 脯鹿
- 形
- 魚
- 棗
- 栗

- 大樽
- 若樽
- 微樽

會典卷八十二

三十五


立

- 餅脾
- 胎豚
- 食飽
- 食糝
- 菹芹
- 醢兔
- 菹笋
- 醢魚
- 菹韭
- 醢醢
- 菹青
- 醢鹿
- 稻
- 梁

- 大樽
- 若樽
- 微樽

從位西一壇東向

籩



豆



會典卷八十二

三十七



豆
籩
稻
梁

豆
醢
醢
醢
醢
醢
醢
醢

醢
醢
醢
醢
醢
醢
醢
醢

會典卷八十二

三

從位東二壇西

籩

形
藁
鹿
白
黑


籩
黍
稷

釶
和
羹

羊

酒
大
賁

著
尊
瓊




周
禮
卷
之
神

從位西二壇東向



- 籩
- 黍
 - 稷
 - 形鹽
 - 藁
 - 魚
 - 棗
 - 栗
 - 榛
 - 菱
 - 芡
 - 鹿脯
 - 白餅
 - 黑餅
- 籩
- 和羹
 - 鹿脯
 - 白餅
 - 黑餅




會典卷八十二

三十九

- 豆
- 光醢
 - 韭菹
 - 笋菹
 - 魚醢
 - 脾析
 - 豚胎
 - 韭菹
 - 醢醢
 - 薯菹
 - 鹿醢
 - 芹菹
- 簋
- 稻
 - 粱






皇穹宇圖



會典卷十一


四

豆




豕
和羹
銅
梁
簋

皇穹宇
正位神座圖




皇穹宇
配位神座圖




皇穹宇從位神座圖


東一壇




西一壇



西二壇



東二壇



大明會典卷之八十二



